

Pol ndê bapia têḡ lau Galasia-ḡga Yom whê bapia dindéc sa-ḡga

Aposel Pol to bapia dindéc têḡ lau sêkêḡ whiḡ-ḡga naḡ sêḡbo gameḡ Galesia-ḡga. Muḡ-ḡga iḡ dau kêsêlêḡ tòm malac ma hoc ḡawaê ḡayham asê têḡ lau Galesia-ḡga, dec lau sic hu sêkêḡ whiḡ Yisu (Apo 13:14–14:23).

Tiḡambu lau Israel-ḡga ḡatô sêhòc asê gôlôwac dabuḡ Galesia-ḡga, ma sêḡsôḡ lau sêkêḡ whiḡ Yisu-ḡga si gauc pi lêḡ sêti lau gitêḡ yêc Anötö anḡô-ḡga. Ḥac lau naḡ sêsap lau Israel-ḡga si sakiḡ akwa dôḡ, ma sêkac lau Galesia-ḡga bu sêḡkuc pwac sêsé laḡḡac si ḡamlic ḡatô su-ḡga, ma sêsòc Moses ndê yomsu hoḡ ḡapu. Ḥac sêsôm bu lau sêkêḡ whiḡ Yisu-ḡga naḡ lau Israel dom, naḡ bu sêkôm bocd-inaḡ dom, dec oc tòm dom bu Anötö kòc ḡac sa me lic ḡac bu lau gitêḡ. Ma lau dau sêpu Pol ma sêsôm bu iḡ aposel ḡandô dom, ḡahu bu iḡ kac lau gameḡ apa-ḡga bu sêḡkuc Israel si sakiḡ akwa dom.

Tu dinaḡ-ḡga Pol to bapia dindéc tu bu whê dau sa bu iḡ aposel ḡandô, naḡ Yisu Kilisi lu Anötö sêḡyalin iḡ sa (1:1), ma gêm mêtê tòm Yisu dau hoc asê têḡ iḡ (1:12). Ma iḡ bu puc lau sêkêḡ whiḡ-ḡga dôḡ bu sêsòc lau tasan dinaḡ si yom ḡapu dom. Iḡ sôm bu ḡawaê ḡayham tigeḡ iḡ yom ḡandô, ma ḡawaê dau tòc asê tiawê bu lau sêti lau gitêḡ tu ḡac si sêkêḡ whiḡ-ḡga, ma tu sêḡkuc yomsu-ḡga lec dom. Yêc lôcwha 5 - 6 iḡ to yom ḡatô tu bu puc lau dôḡ bu sêkêḡ whiḡ ḡaḡga, sêsap mêtê atac whiḡ-ḡga

dôḅ, ma sêpiḅ dau dôḅ ḅapep. Lau naḅ ḅalau Dabuḅ gêm gôliḅ ḅac, naḅ oc sêhu mêtê sac siḅ, ma sêkôm mêtê ḅayham eḅ (5:16-26).

Pol ndê yom ḅamata-ḅga

¹⁻² Aô Pol, ma asidôwai naḅ sêmbo sêwhiḅ aô, ato bapia dindéc têḅ Kilisi ndê gôlôwac dabuḅ hoḅ yêc gamēḅ Galesia-ḅga. Aô gati †apospel magoc ḅamalac daḅ kêyaliḅ aô sa, me lau toḅ daḅ sêḅkiḅ aô bu wati aposel dom. Mba. Yisu Kilisi lu iḅ Damba Anôḅo naḅ uḅ iḅ sa akêḅ lau batê-ḅga, naḅ dec sêḅyaliḅ aô sa ti sêḅkiḅ aô. ³ Mwasiḅ ti yom malô têḅ mac akêḅ yac neḅ Damaḅ Anôḅo lu Pômdau Yisu Kilisi. ⁴ Yisu kêḅ dau mbac ndu tu yac neḅ sac-ḅga, bu êḅgaho yac su yêc mêtê sac naḅ gêm nom dindéc ahuc. Lêḅ dau Damaḅ Anôḅo gauc gêm tidôḅ ma tac whiḅ bu Yisu kôm ḅandô sa. ⁵ Bocdinaḅ datoc Anôḅo ndê waê sa tôḅ têm sambob dandic ḅawaê. Yomandô!

Pol kêḅ puc lau bu sêḅkuc ḅawaê ḅayham tigeḅ

⁶ Tu Kilisi-ḅga dec Anôḅo kêḅmwasiḅ mac, ma kêgalêm mac sa ati iḅ ndê lau. Magoc ḅagahô eḅ, mac ahu iḅ ti ḅawaê ḅayham naḅ aposel sem, naḅ siḅ, ma aḅkuc yom wakuc. Mac nem lêḅ dinaḅ kôm aô gahêdaêḅ. ⁷ Yom naḅ mac aḅkuc, naḅ yom ḅandô dom. Mboe lau ḅatô sêḅsôḅ mac nem gauc ma sêḅsahê bu sêḅsôḅ ḅawaê ḅayham pi Kilisi whiḅ. ⁸ Aḅgô su naḅ! Yac daḅ me aḅela undambê-ḅga daḅ, me asa bu têḅ mac meḅ ma nem mêtê wakuc, naḅ so mêtê naḅ muḅ-ḅga yac ahoc asê têḅ mac, naḅ oc tap Anôḅo ndê atac ḅandê sa. ⁹ Aêc! Yac asôm su, ma aô wasôm tiyham. Asa naḅ bu hoc mêtê asê

têḡ mac naḡ so yac lau aposel mba mêtê naḡ mac akôc sa su, naḡ oc tap Anötö ndê atac ḡandê sa.

¹⁰ Mac gauc gêm sake? Aö gato yom dindec tu bu lau sêlic aö ḡayham ma sêmpinḡ aö-ḡga, me tu bu Anötö lic aö ḡayham-ḡga? Anḡô! Aö bu wakôm tu ḡamalac-ḡga, dec aö Kilisi ndê ḡgac akinḡ dom.

Pol whê sa bu inḡ Anötö ndê aposel ḡandô

¹¹ O asidôwai, aö bu wawhê sa têtḡ mac bu mêtê naḡ gahoc asê têtḡ mac, naḡ ḡamalac si yom dom.

¹² Bu ḡamalac danḡ kêtḡ têtḡ aö me kêdôhônḡ aö dom, magoc Yisu Kilisi hoc asê têtḡ aö. ¹³⁻¹⁴ Mac anḡô aö ḡawaê su, dec anḡyalê bu muḡ-ḡga lê aö gam akinḡ Anötö kakuc lau Israel-ḡga si sakinḡ akwa. Aö gasa ḡac si lêtḡ dau gahôc gêlêc ḡac si daêsam naḡ si yala gitôm aö neḡ. Ma gayêm daunḡ su tu wanḡkuc abanḡ Israel-ḡga si ḡagôlinḡ. Ma mac anḡô bu aö gakêtḡ kisa ḡanḡga têtḡ Anötö ndê gôlôwac dabunḡ naḡ sêkêtḡ whinḡ Yisu, ma gakôm bu wasenḡ ḡac su.

¹⁵ Magoc Anötö kêyalinḡ aö sa gwananḡ su, têtḡ têm aö gambo dinanḡ atac ḡalôm enḡ, ma tu inḡ ndê lêtḡ êmwasiḡ lau-ḡga dec kêgalêm aö sa bu wanem akinḡ inḡ. Ma tinḡambu inḡ gêlic ḡayham ¹⁶ bu hoc inḡ ndê Atu Yisu asê têtḡ aö, tu bu wasôm inḡ ndê ḡawaê ḡayham asê têtḡ lau naḡ lau Israel dom. Têtḡ dinanḡ aö gasôm yom gawhinḡ lau ḡatô dom. ¹⁷ Ma aö gapi Jerusalem bu walic lau naḡ sêti aposel sêmuḡ aö, naḡ dom. Mba. Aö gatêtḡ gameḡ Arabia-ḡga ga, ma tinḡambu gambu gatêtḡ malac Damaskas. ¹⁸ Aö gambo malac dinanḡ yala tö su, goc gapi Jerusalem ga bu walic Pita, ma gambo gawhinḡ inḡ tôm bêc 15.

¹⁹ Aö galic Pômdau asi Jems, magoc galic aposel ḡatô dom. ²⁰ Aö wasôm yêc Anötö anḡô-ḡga bu

yom nan kwahic dec gato, nan yom tasan dom.
²¹ Tinambu aö gatêñ gameñ Siria ma Silisia-nga ga.
²² Gôlôwac dabun gameñ Judia-nga nan sêkêñ whin
 Kilisi, nan sêlic aö anôn andô dom. ²³ Magoc sêngô
 ñawaê pi aö bocdec bu, “Ngac nan mun-nga kên kisa
 têt yac, kwahic dec kôm gwelen ma gêm mêtê pi
 lêt dakên whin-nga nan mun-nga in kôm bu sen
 su.” ²⁴ Bocdinañ sêmpiñ Anötö tu in gêm aö kwi-
 nga.

2

Lau aposel Jerusalem-nga sêkôc Pol sa

¹ Yala 14 ginça su goc gapi Jerusalem ga tiyham,
 ma gakôc Banabas lu Taitus sêwhin aö. ² Anötö
 dau hoc yom dan asê têt aö ma kac aö, dec gapi
 Jerusalem ga têt ndoc dinañ. Ma ñawaê ñayham
 nan gahoc asê têt ðlau gameñ apa-nga, nan aö
 gawhê sa yêc Jerusalem. Aö gawhê sa têt lau hon
 dom, magoc gawhê sa têt lau sêkêñ whin-nga si lau
 bata. Aö gatec bu lau sêpu gwelen nan gakôm, me
 sêsôm bu aö gakôm ñambwa, ma tu dinañ-nga dec
 gawhê dauñ sa têt ñac lau dau. ³ Ñac sênjalê bu
 Taitus nan whin aö têt têt dinañ, in ñac Grik-nga.
 Magoc sêkac yac bu asê in ndê ñamlic ñatô êñkuc lau
 Israel-nga si pwac nan dom.

⁴ Yom hon dinañ hóc asê, ñahu bu lau ñatô sêñsau
 bu sêti yac mba asidôwai ma sêmen sêmbo sêwhin
 yac bu sêtip lêt ti sakin nan yac andôhôn têt
 lau gameñ apa-nga. Yisu Kilisi kêgapwêc yac su
 yêc sakin yomsu-nga, magoc ñac lau tasan dinañ
 sêkôm bu sêkac yac kwi ma ankc lêt yomsu-nga
 tiyham atôm lau akin ñambwa. ⁵ Tigen yac alhac

naŋga ma asôc naç naçu daŋ dom, naçu bu yac atac whiŋ bu mac lau Galesia-ŋga anjalê yom naŋdô pi naçawê naçham, ma asap dôŋ naçan.

⁶ Aô kayalê bu Anötö toc naçmalac daŋ sa hôc gêlêc daŋ su dom. Tu dinaŋ-ŋga dec gahêgo daŋ dom têŋ ndoc naŋ gawhê daŋ sa têŋ lau naŋ gôlôwac dabuŋ Jerusalem-ŋga sêtoc sa sêti naç si lau bata. Ma naç sêsôm yom daŋ bu sêmatôc naçawê naçham naŋ gam yêc lau apa si gameŋ, naŋ dom. ⁷ Mba! Naç sêlic bu Anötö kêŋ naçawê naçham sip aô aman bu wahoc asê têŋ lau naŋ lau Israel dom, tôm iŋ kêŋ sip Pita amba bu hoc asê têŋ lau Israel-ŋga. ⁸ Bu Anötö kêŋ naçlai têŋ Pita ma kêyalin iŋ sa ti lau Israel-ŋga si aposel, ma kêŋ naçlai têŋ aô bocdinaŋ, ma kêyalin aô sa gati lau gameŋ apa-ŋga si aposel. ⁹ Lau sêkêŋ whiŋ-ŋga yêc Jerusalem sêtoc Jems, Pita ma Jon sa sêti naç si naçgôlôn. Ma têŋ ndoc lau tö dinaŋ sêlic bu aô gatap Anötö ndê mwasiŋ sa su, dec sêkam alu Banabas tu bu sêtôc asê bu naç sêkôc alu ti alu mba yom sa. Ma naç si naçlôm pitigeŋ bu yac akôm gwelen naçawê naçham-ŋga awhiŋ lau gameŋ apa-ŋga, ma naç sêkôm sêwhiŋ lau Israel-ŋga. ¹⁰ Naç sêndac gêŋ tigeŋ, naŋ bu yac gauc nem naç si lau naŋ sêpônnda dau. Ma gêŋ dau aô gauc gêm tidôn su bu wakôm.

Pol sôm Pita yêc malac Antiok

¹¹ Tinambu aô gambo malac Antiok, ma Pita meŋ mbo malac dau whiŋ. Magoc malô aô galic yêc awê bu iŋ kôm gêŋ daŋ, naŋ so yom naŋdô naçawê naçham-ŋga. Ma tu dinaŋ-ŋga dec aô gasôm yom sêmbalaŋ-ŋga solop têŋ iŋ. ¹² Bu têŋ ndoc iŋ hôc asê Antiok tiwakuc, naŋ iŋ kôm mêtê solop. Iŋ

ndöc ti gên gên whin lau sêkên whin-nga nan lau Israel dom, dec tôc asê bu in hêgo dau tu Moses ndê yomsu-nga dom. Magoc tinambu lau Israel-nga natô nan sem gwelen sêwhin Jems, nan sêhóc asê malac Antiok. Pita kêyalê bu nac sêsap Moses ndê yomsu dôn ma nac bu sêkac lau gameŋ apa-nga bu sênkuc lau Israel-nga si t̄pwac sêsê laungac ŋamlic natô su-nga. Tu dinaŋ-nga dec in töc dau ma kêdahin dau su yêc lau nan lau Israel dom. In ndê lên dau in lên giso. ¹³ Ma lau sêkên whin-nga Israel-nga natô nan sêmbo malac Antiok, nan sênkuc in ma sêsa lên tasan dinaŋ sêwhin, e lên dau hê Banabas kwi whin. ¹⁴ Têŋ ndoc aô galic bu nac si mêtê dau so yom ŋandô ŋawaê ŋayham-nga, dec gasôm yom têŋ Pita yêc nac hon ŋgô-nga bocdec bu, “Am ŋac Israel-nga, magoc têŋ ndoc am mwen hóc asê malac Antiok, nan am mbo whin lau nan lau Israel dom, ma hêgo daôm tu Israel-nga si yomsu-nga dom. Magoc malô am kac nem ŋalôm kwi ma kôm gitôm am gêlic Moses ndê yomsu gitôm gên atu, ma hu lau dau sin ma mbo ahê nac. Bocke? Kwahic dec am bu kac lau gameŋ apa-nga bu sêsôc lau Israel-nga si ŋagôlin ŋapu, a?”

Lên tigen yêc bu dati lau gitên, nan dakên whin

¹⁵ Ma aô gasôm têŋ Pita, “Yac lau Israel-nga êlêmê dasam lau gameŋ apa-nga bu lau sac, bu nac sênkuc Moses ndê yomsu dom. Magoc hêclu neŋ ŋahu yêc lau gameŋ apa-nga dom. Mba. Dinaŋi sêkôc hêclu dambo lau Israel-nga nan dakôc Moses ndê yomsu, nan ŋalôm. ¹⁶ Magoc yac tanjalê su bu ŋamalac dan oc ti ŋamalac gitên yêc Anötô ŋgô-nga tu in kêkuc lên yomsu-nga dom. Mba, oc tôm dom. Magoc tu

ɲamalac daɲ kɛɲ whiɲ Yisu Kilisi-ɲga, dec Anötö gêlic iɲ bu ɲamalac gitêɲ. Seɲ tigeɲ dinaɲ gic lau hoɲ ɲawaê, yac lau Israel-ɲga, ma lau gameɲ apa-ɲga boc-dinaɲ. Taɲkuc lêɲ dakêɲ whiɲ Yisu Kilisi-ɲga tu bu dati lau gitêɲ tu lêɲ dinaɲ-ɲga, ma tu taɲkuc lêɲ yomsu-ɲga lec dom.”

¹⁷ Kwahic dec yac taɲkuc lêɲ dakêɲ whiɲ Kilisi-ɲga tu bu dati lau gitêɲ-ɲga. Mboe lau ɲatô oc sêsam yac bu lau sac tu yac taɲkuc lêɲ yomsu-ɲga tiyham dom. Magoc yac oc dasôm sake? Lêɲ dakêɲ whiɲ Kilisi-ɲga kɛɲ ɲasawa têɲ yac tu dakôm sac-ɲga, a? Aö wasôm, mba andô! ¹⁸ Muɲ-ɲga aö kasahê bu wati ɲgac gitêɲ tu kakuc yomsu-ɲga, magoc kwahic dec gahu lêɲ dau siɲ su. Aö bu wambu wandi wasôc yomsu ɲapu tiyham, dec oc tôc gêɲ tigeɲ asê têɲ aö, naɲ bu aö ɲgac kagilì yomsu-ɲga. ¹⁹ Bu sakiɲ yomsu-ɲga tôc asê têɲ aö bu gawêkaiɲ seɲ wambac ndu-ɲga, ma bocdinaɲ dec aö taɲkwê lêɲ yomsu-ɲga bu nem aö sa tiyham lec dom. Yomandô. Aö gahu lêɲ yomsu-ɲga siɲ, tu bu wanem akiɲ Anötö tôm aneɲ bêc hoɲ wambo taɲli-ɲga. Anötö dau piɲ aö dôɲ gam damiɲ Kilisi gitôm gambac ndu pi a gicso dau gawhiɲ iɲ. ²⁰ Ma kwahic dec aneɲ ɲahu gambo taɲli-ɲga sip aö dauɲ dom, magoc gambo taɲli tu Kilisi naɲ tisa mbo tali tiyham ma mbo aneɲ ɲalôm naɲ-ɲga. Ma tôm bêc hoɲ naɲ wambo taɲli wambo nom lec, naɲ wasa lêɲ tigeɲ bocdec bu, wakêɲ whiɲ Anötö Atu naɲ tac whiɲ aö ma kɛɲ dau tu aö-ɲga. ²¹ Aö galic Anötö ndê mwasiɲ gitôm gêɲ ɲambwa dom. Mba. ɲahu bu ɲamalac daɲ gitôm dom bu ti ɲamalac gitêɲ tu iɲ kêkuc yomsu-ɲga. Bu bocdinaɲ, dec Kilisi ndê mbac ndu naɲ oc

ŋahu mbasi.

3

Lêŋ yomsu-ŋga ma lêŋ dakêŋ whiŋ-ŋga

¹ O mac lau Galesia-ŋga, mac lau gauc mba. Yac awê yom hoŋ pi Yisu Kilisi sa yêc awê têŋ mac, e tòm mac daôm tanôm alic iŋ mbac ndu pi a gicso dau. Magoc asa dec meŋ ma kêŋsôŋ mac nem gauc? ² Aô bu wakêŋ gêndac têŋ mac pi yom tigen bocdec bu, mac aŋkuc yomsu dec Anötö kêŋ Nalau Dabuŋ têŋ mac, me mac akêŋ whiŋ ŋawaê ŋayham pi Kilisi, naŋ mac aŋgô su, dec iŋ kêŋ Nalau têŋ mac? ³⁻⁴ Bocke ma kwahic dec mac nem gauc tisac? Têŋ ndoc mac akêŋ whiŋ tiwakuc, naŋ mac asa nem lêŋ ti Nalau Dabuŋ ndê ŋaclai, ma ahu lêŋ yomsu-ŋga siŋ. Tu dinaŋ-ŋga lau naŋ sêsap yomsu dôŋ, naŋ sêkêŋ kisa mac. Tu sake-ŋga kwahic dec mac bu ambu asôc yomsu ŋapu tiyham, ma gauc gêm bu Anötö oc kôc mac sa tu gêŋ naŋ mac daôm akôm tu aŋkuc yomsu-ŋga. Mac bu akôm bocdinaŋ, dec kisa atu naŋ mac ahôc têŋ ŋamata-ŋga, naŋ ŋahu mbasi. ⁵ Aŋgô! Anötö kêŋ ndê Nalau Dabuŋ têŋ mac ma kôm gêŋ dalô daêsam yêc mac aŋôm-ŋga. Iŋ kôm gêŋ dau tu mac aŋkuc yomsu-ŋga, me tu mac akêŋ whiŋ yom pi Kilisi, naŋ mac aŋgô su-ŋga?

⁶ Gauc nem Abraham. Iŋ kêŋ whiŋ Anötö, ma tu dinaŋ-ŋga Anötö gêlic iŋ bu ŋgac gitêŋ. ⁷ Bocdinaŋ aŋyalê bu lau hoŋ naŋ sêŋkuc lêŋ sêkêŋ whiŋ-ŋga, naŋ Anötö gêlic ŋac sêtôm Abraham ndê lau wakuc. ⁸ Yom naŋ sêto yêc, naŋ tôc asê gwanan bu Anötö oc lic lau naŋ lau Israel dom, naŋ bu lau

gitêḅ, tu ḅac si sêkêḅ whiḅ-ḅga. Anötö sôm ḅawaê ḅayham dau asê têḅ Abraham gwananḅ su bocdec bu:

Lau nom-ḅga hoḅ oc sêtap aneḅ mbec ḅamwasinḅ sa yêc am. *[Gen 12:3]*

⁹ Abraham kêḅ whiḅ, dec tap Anötö ndê mbec ḅamwasinḅ sa. Ma bocdinaḅ lau hoḅ nanḅ sêkêḅ whiḅ, nanḅ oc sêtap mbec dau ḅamwasinḅ sa sêwhiḅ Abraham. ¹⁰ Magoc lau hoḅ nanḅ gauc gêm bu ḅac oc sêti lau gitêḅ tu sêḅkuc yomsu-ḅga, nanḅ oc sêtap Anötö ndê tac ḅandê sa, tôm yom danḅ nanḅ sêto yêc, nanḅ sôm bocdec bu:

Asa nanḅ kêkuc yomsu hoḅ nanḅ sêto sip buku yomsu-ḅga, nanḅ ḅapep ma timala dom, nanḅ oc tap Anötö ndê tac ḅandê sa. *[Diut 27:26]*

¹¹ Ma yom danḅ tiyham sêto yêc bocdec bu:

Lau gitêḅ oc sêndöc tali tu ḅac si sêkêḅ whiḅ-ḅga. *[Hab 2:4]*

Yom dau tôc asê tiawê bu ḅamalac danḅ oc ti ḅamalac gitêḅ yêc Anötö anḅô-ḅga tu inḅ kêkuc yomsu-ḅga dom. ¹² Lêḅ yomsu-ḅga sôm bu ḅamalac nanḅ tôm bu sa ndê lêḅ êḅkuc yomsu hoḅ ḅapep eḅ, nanḅ oc ndöc tali. Magoc lêḅ yomsu-ḅga dinaḅ so lêḅ dakêḅ whiḅ-ḅga. ¹³ Asa nanḅ takwê lêḅ yomsu-ḅga bu nem inḅ sa, nanḅ gic waê bu tap Anötö ndê atac ḅandê sa. Magoc Kilisi kêgaho yac su yêc lêḅ datap atac ḅandê dinaḅ sa-ḅga. Inḅ dau hôc Anötö ndê atac ḅandê tu yac-ḅga, tôm yom nanḅ sêto pi lau sac, nanḅ yêc bocdec bu:

Lau hoḅ nanḅ sêkêḅ ḅac sêḅgalêḅ a, nanḅ dalic ḅac gitôm lau nanḅ sêtap Anötö ndê tac ḅandê sa. *[Diut 21:23]*

¹⁴ Yisu Kilisi hôc n̄andê dinan̄ tu bu lau nan̄ lau Israel dom, nan̄ dec oc sêtap Abraham ndê mbec n̄amwasin̄ sa sêwhin̄ lau Israel-n̄ga. Ma yac hon̄ oc dakôc N̄alau Dabun̄, nan̄ Anötö gic bata su, nan̄ sa tu yac nen̄ dakêñ whin̄ Yisu-n̄ga.

Pwac yomsu-n̄ga, ma pwac mwasin̄-n̄ga

¹⁵ O asidôwai, wanem dôhôn̄ pi n̄amalac si lêñ bu wawhê gêñ dau sa. Pwac nan̄ n̄amalac lu sêmatin̄ tidôn̄ su, nan̄ oc tòm dom bu n̄gac dan̄ ndic têku, me señ su. Ma Anötö ndê pwac bocdinan̄. ¹⁶ In̄ gic bata yom têñ Abraham ma sôm bocdec bu, “Aö oc wanem mbec am ti nem wakuc.” Yom nan̄ in̄ sôm pi Abraham ndê wakuc, nan̄ hêganôn̄ lau daêsam dom, magoc hêganôn̄ Abraham ndê n̄gac wakuc tigen̄, nan̄ Kilisi dau. ¹⁷ Aö wasôm têñ mac bu Anötö gic bata yom dau têñ Abraham mun̄ su, ma tiñambu yala 430 gin̄ga su, dec in̄ kêñ ndê yomsu têñ lau Israel-n̄ga. Magoc yomsu dau señ pwac mwasin̄-n̄ga nan̄ Anötö kêmatin̄ whin̄ Abraham, nan̄ su dom. ¹⁸ Lau bu sêtap Anötö ndê mwasin̄ sa tu sêñkuc yomsu-n̄ga, nan̄ dec lêñ dau kêkuc yom nan̄ Anötö gic bata têñ Abraham, nan̄ dom. Magoc bocdinan̄ dom. Bu Anötö gic bata yom têñ Abraham ma sôm bu êmwasin̄ in̄ n̄ambwa.

¹⁹ Bocdinan̄ Anötö kêñ yomsu n̄ahu bocke? In̄ kêñ tu bu tôle n̄amalac si sac asê-n̄ga, bu lhac e Abraham ndê wakuc nan̄ Anötö gic bata yom pi in̄, nan̄ hoc asê. Ma gêñ dan̄ tiyham. An̄ela sêkôc Anötö ndê yomsu ma sêkêñ têñ n̄gac n̄alhu-n̄ga dan̄, nan̄ Moses. ²⁰ N̄gac n̄alhu-n̄ga dau kôm gwelen̄ mbo Anötö ma lau Israel-n̄ga n̄alhu ma kôc yomsu. Magoc pwac mwasin̄-n̄ga nan̄ Anötö kêmatin̄ whin̄

Abraham, naŋ inɗ dau kêŋ solop têt inɗ, ma ŋgac ŋalhu-ŋga mbasi.

Yomsu oc tôc yac neŋ sac asê, ma wê yac datêŋ Kilisi dandi

²¹ Bocdinaŋ wandac mac bocdec bu, yomsu seŋ mwasinɗ naŋ Anötö gic bata tidôŋ bu kêŋ têt Abraham naŋ su, me? Wasôm têt mac bu mba andô. Yac bu datôm bu datap seŋ dandöc taŋli-ŋga sa yêc yomsu, dec yomsu dau oc ti yac neŋ seŋ dati lau gitêŋ-ŋga. ²² Magoc oc tôm dom. Anötö ndê yom naŋ sêto yêc, naŋ whê sa bu lau nom-ŋga hoŋ sêndöc gapocwalô sac-ŋga. Ŋalêŋ dinaŋ mwasinɗ naŋ Anötö gic bata, naŋ hêganôŋ lêt dakêŋ whinɗ-ŋga, ma datap mwasinɗ dau sa tu dakêŋ whinɗ Yisu Kilisi-ŋga.

²³ Muŋ-ŋga, lêt dakêŋ whinɗ-ŋga dinaŋ meŋ sa tiawê su dom. Têt têt dinaŋ yac dambo datôm lau gapocwalô-ŋga naŋ yomsu sô yac dôŋ, bu dambo bocdinaŋ e Anötö tôc lêt dakêŋ whinɗ-ŋga asê tiawê. ²⁴ Anötö kêŋ yomsu bu nem gôlinɗ yac ma tôc yac neŋ sac asê, goc wê yac datêŋ Kilisi dandi, bu datap lêt dati lau gitêŋ-ŋga sa tu yac neŋ dakêŋ whinɗ inɗ-ŋga. ²⁵ Ma kwahic dec lêt dakêŋ whinɗ-ŋga meŋ sa su, dec dambo yomsu ŋapu tiyham dom.

Dati Anötö atuwêi ti ŋgac

²⁶ Mac hoŋ ati Anötö ndê balêkoc tu mac nem akêŋ whinɗ Yisu Kilisi-ŋga. ²⁷ Bu mac hoŋ naŋ alinɗ busaŋgu, naŋ gêt dau piŋ mac dôŋ am daminɗ Kilisi, tôm mac asôc inɗ ti nem ŋakwê. ²⁸ Ma Anötö kôc mac sa kêkuc mac nem ŋahu nom-ŋga dom. Mba. Mac bu lau Israel-ŋga, me lau apa, lau akinɗ ŋambwa

me lau nañ dau sêmbô si gêñ, lauwhê me launḡac, tigen anyalê bu Anötö kôc yac hoñ sa tu yac neñ dakêñ whiñ Yisu Kilisi-ñga, nañ piñ yac hoñ dôn dapitigen. ²⁹ Ma mac lau asa nañ ati Kilisi ndê, nañ ati Abraham ndê lau wakuc bocdinañ, ma awêkain mwasiñ nañ Anötö gic bata têñ Abraham.

4

¹ Aô wawhê gêñ dau sa têñ mac bocdec bu. Balê nañ damba gic bata bu kêñ ndê wapa lêñsêm têñ iñ, nañ oc wêkain gêñ dau yomandô. Magoc damba bu mbac ndu têñ ndoc iñ mbo balê, dec iñ oc kôc wapa dau sep dom, ma iñ oc mbo gitôm damba ndê ḡac akiñ ḡambwa dañ. ² Ma lau ḡatô oc sêyob iñ ti ndê wapa lêñsêm e iñ ndê yala gitôm nañ damba sôm tidôñ ḡwanañ su. ³ Ma yac bocdinañ. Muñ-ḡga yac dakêñ whiñ su dom, nañ dambo datôm balêkoc saun, ma datôm lau akiñ ḡambwa nañ dambo yomsu ti ḡagôlin nom-ḡga ḡapu. ⁴ Magoc têñ ndoc nañ Anötö sôm ḡwanañ su, nañ meñ sa, goc iñ kêñ ndê Atunḡac meñ mbo nom. Iñ dinda kôc iñ ti ḡamalac nom-ḡga nañ mbo yomsu ḡapu, ⁵ bu êñḡapwêc yac lau nañ dambo yomsu ḡapu, nañ su, ma yac dati Anötö ndê balêkoc. ⁶ Ma Anötö kêñ ndê Atu ndê ḡalau sip yac hoñ neñ ḡalôm, dec tôc asê bu mac lau gameñ apa-ḡga ati Anötö ndê balêkoc awhiñ yac lau Israel-ḡga. Ma ḡalau dau ḡêm yac sa dec data Anötö ti atac pa su, ma dasam iñ bu, “Damañ, Damañ.” ⁷ Bocdinañ kwahic dec yac lau akiñ tiyham dom, magoc yac Anötö ndê balêkoc solop. Ma yac dati Anötö ndê balêkoc, dec dawêkain gêñ lêñsêm nañ gic waê iñ ndê balêkoc.

Pol ñalôm ñawapac tu lau Galesia-ña

⁸ Muñ-ña mac am gauc Anötö, ma am akind gën nom-ña ñambwa nañ Anötö ñandô dom. ⁹ Magoc kwahic dec mac añyalê Anötö, ma gën atu dan whin bocdec bu, Anötö dau kêyalê mac su. Ma bocke dec mac bu akac daôm kwi, ma ambu andi asôc yomsu ñapu, dec ambo atôm lau akind tiyham? Bu yomsu hon, nañ ñagôlin nom-ña ñambwa nañ ña-ñaclai ti ñandô mbasi. ¹⁰ Tu sake-ña mac bu añkuc ñagôlin ñambwa nañ hëganôn béc ti ayô, ma yala ti tèm ñatô? ¹¹ Aö gatôc dauñ tu mac-ña bu mboe gwelen nañ aö gakôm tën mac, nañ oc ñandô mbasi. ¹² O asidôwai. Muñ-ña mac lau apa ambo yomsu ñapu dom, ma aö gahu lën yomsu-ña sin tu bu wambo watôm mac. Magoc kwahic dec lau ñatô sêñsau mac, dec mac ambo atôm lau akind tiyham tu yomsu-ña. Bocdinañ dec water nañ bu ahu lën dinañ sin ma ambo atôm aö. Ma alic aö ñayham tôm muñ-ña nañ aö gambo gawhin mac, nañ mac akôm aö sac dom. ¹³ Tën tèm dinañ gëmbac kôm aö, dec gambo ten gawhin mac, ma gahoc ñawaê ñayham asê tën mac. Mac añyalê gën dau su. ¹⁴ Aneñ gëmbac dau kën ñawapac tën mac bu ayob aö, magoc mac apu aö me alic aö sac dom. Mba. Mac akôc aö sa gitôm Anötö ndê añela dan, me tôm mac akôc Yisu Kilisi dau sa. ¹⁵ Tën ndoc dinañ mac atac whin bu anem aö sa êñlêc, e tôm mac bu akip nem tanôm ñakôp sa ma akên tën aö. Yomandô. Magoc kwahic dec mac nem atac ñayham tu aö-ña ginça su. ¹⁶ Bocke? Tu aö gasôm yom ñandô asê tën mac-ña, dec kwahic mac alic aö tôm nem ñacyo, a?

¹⁷ Nac lau tasan dinañ sêkôm ñannga bu sêkac mac

kwi asôc yomsu n̄apu tiyham. Magoc sêkôm tu mac atap n̄andô n̄ayham dan̄ sa-n̄ga dom. N̄ac atac whiñ bu mac ahu aö siñ ma akêñ daôm sambuc tu an̄kuc n̄ac-n̄ga. ¹⁸ In̄ lêñ n̄ayham bu mac akêñ daôm sambuc tu bu akôm gêñ nan̄ n̄ahu n̄ayham yêc. Ma aö bu wambo wawhiñ mac, me aö bu wambo dom, magoc akôm bocdinañ n̄apañ.

¹⁹ O aneñ balêkoc awhê ma n̄gac. Kwahic dec aö kasahê n̄andê atu tiyham tu mac-n̄ga, gitôm awhê nan̄ balêkoc tun̄ in̄. N̄ahu bu aö tac whiñ ndu andô bu Kilisi ndê yom tidôn̄ yêc mac nem n̄alôm, e andi atôm in̄ dau. ²⁰ Aö neñ n̄alôm n̄awapac atu tu mac-n̄ga, ma señ dan̄ bu hôc pi aö, dec aö atac whiñ kêlêc bu wambo wawhiñ mac, ma wasôm yom n̄ayham-n̄ayham têñ mac, ô yom n̄an̄ga nan̄ kwahic dec gato têñ mac.

Sara lu Haga sêti n̄adôhôn̄

²¹ Mac lau nan̄ atac whiñ bu ambo yomsu n̄apu, aö bu wandac mac bocdec bu. Mac an̄yalê señ nan̄ yomsu bu wê mac atêñ andi, me mba? ²² Gauc nem yom nan̄ sêto yêc pi balêkoc n̄gac lu nan̄ Abraham kwê asê. Balê dan̄ dinda Haga in̄ awhê akiñ n̄ambwa, ma balê dan̄ dinda Sara in̄ awhê akiñ dom, in̄ Abraham nawhê solop. ²³ Haga kôc balêkoc kêkuc n̄amalac nom-n̄ga si lêñ n̄ambwa. Magoc Sara kôc balêkoc kêkuc yom nan̄ Anötö gic bata têñ Abraham. ²⁴⁻²⁵ Gêñ dau in̄ gitôm yom gôlin̄ dan̄, bu awhê lu dinañ sêti pwac lu n̄adôhôn̄. Haga ti dôhôn̄ pwac akwa yomsu-n̄ga nan̄ Anötö kêmatin̄ yêc Lôc †Sainai yêc gameñ Arabia-n̄ga. Ma balêkoc pwac dinañ-n̄ga sêti lau akiñ n̄ambwa tôm Haga.

Ma Haga ti dôhôn malac Jerusalem têm dindec-nga, bu malac dau ti ndê lau sêmbô sêtôm lau akiñ nambwa bocdinañ. ²⁶ Magoc Sara ti dôhôn malac Jerusalem wakuc nañ yêc undambê, ma inñ gitôm yac neñ dinañ nandô nañ awhê akiñ nambwa dom.

²⁷ Bu sêto yom dan yêc bocdec bu:

Am awhê gapoc nañ kôc balêkoc dom, atac nayaham sa. Am nañ kêsahê balêkoc tun am dom, nañ mbwêc ti atac nayaham. Bu kwahic dec am mbo gitôm awhê nañ balêkoc mba, magoc tinambu am oc tap nem balêkoc sa hôc gêlêc awhê nañ gêm ngac sa, nañ su.* [Ais 54:1]

²⁸ Aneñ asidôwai. Tu Kilisi-nga dec mac ati balêkoc pwac mwasin-nga gitôm Aisak, balêkoc nañ hôc asê kêkuc yom nañ Anötö gic bata têt Abraham. ²⁹ Muñ-nga Ismael, balêkoc nañ hôc asê kêkuc namalac si lêt, nañ kêt kisa Aisak, nañ hôc asê na Nalau Dabuñ ndê naclai. Ma kwahic dec mac anсахê kisa nalêt kain tigen yêc lau nañ sêsap lêt yomsu-nga dôñ. ³⁰ Magoc gauc nem yom nañ sêto yêc bocdec bu:

Kêt awhê akiñ lu inñ atungac sêlhô sêndi, bu awhê akiñ ndê balê dau oc wêkain wapa lêt sêm natô

* **4:27:** Aisaya to yom dau pi malac Jerusalem têt ndoc nacyo sêngaho lau Israel-nga su ma sêkôc nac sa si sêndôc gamen Babilon-nga gitôm lau gapocwalô-nga. Aisaya gêlic bu malac dau tigan, dec gêm dôhôn pi awhê gapoc. Pol kôc Aisaya ndê yom ma to sip inñ ndê bapia têt lau Galesia-nga bu whê yom nañ inñ to pi malac Jerusalem lu, nañ sa. Yom pi awhê nañ gêm ngac sa su, nañ hêganôn lau Israel-nga ma malac Jerusalem akwa. Ma yom pi awhê gapoc nañ oc tap balêkoc daêsam sa, nañ hêganôn lau sêkêt whin Yisu-nga nañ oc sêndôc malac Jerusalem wakuc.

whiñ ñadawê ndê atungac dom. *[Gen 21:10]*

³¹ Bocdinañ asidôwai, akôc gauc ñaŋga bocdec bu. Yac awhê akiñ Haga ndê balêkoc dom, magoc yac ñadawê Sara ndê balêkoc solop.

5

Dasap lêñ dakêñ whiñ-ña dôñ, bu Kilisi kêgapwêc yac su yêc lêñ yomsu-ña

¹ Kilisi kêgapwêc yac su dec dambo datôm lau akiñ ñambwa tiyham dom. Bocdinañ alhac ñaŋga, ma ayob daôm bu wapac lêñ yomsu-ña êngwiniñ mac e ati lau akiñ tiyham dom. ² Aô Pol wasôm têñ mac bu asa nañ gauc gêm bu ti ñgac gitêñ tu iñ kêkuc yomsu sêsê laungac ñamlic ñatô su-ña, nañ Kilisi gitôm dom bu oc nem iñ sa. ³ Aô wasôm tiyham têñ mac, bu asa nañ sôc yomsu tigenñ dinañ ñapu, nañ êñkuc yomsu hoñ bocdinañ ndic ñawaê. ⁴ Mac lau nañ gauc gêm bu ati lau gitêñ tu añkuc yomsu-ña, nañ akac daôm su yêc Kilisi ma yêc Anötö ndê mwasiñ. ⁵ Nahu bu Anötö gêlic yac tôm lau gitêñ tu yac neñ dakêñ whiñ-ña. Ma Nalau Dabuñ puc yac dôñ bu dahôn ti dakêñ batanñ gêñ dau ña-ñandô. ⁶ Bu yac lau nañ dati Yisu Kilisi ndê, nañ tanjalê bu lêñ yomsu-ña danñ oc nem yac sa ñandô dom. Nac bu sêsê yac ñamlic ñatô su, me sêsê yac dom, nañ dalic tôm gêñ ñambwa. Gêñ tigenñ yac dalic bu gêñ atu, nañ dakêñ whiñ Kilisi. Ma yac neñ mêtê atac whiñ neñ asidôwai-ña tôc yac neñ dakêñ whiñ asê.

⁷ Muñ-ña lê, mac asa nem lêñ akêñ whiñ-ña ñapep eñ, atôm lau nañ sênti ñaŋga. Tigenñ asa kalhac mac ahuc e ahu yom ñandô siñ? ⁸ Lau

nañ sêlhac mac ahuc, nañ sêmen akêñ Anötö nañ kêgalêm mac sa, nañ ndê dom. ⁹ Ayob daôm ñapep têtñ lau kainñ dinañ, bu yom nañ ñac sêndôhôn, nañ gitôm yist nañ sêkêñ sip bolom ñalôm ma kôm gwelenñ malô-malô e gêm bolom sambuc ahuc. ¹⁰ Tu Kilisi piñ yac hoñ dôñ-ñga, dec gakêñ whiñ bu mac oc akôc aneñ yom dindéc sa, ma atec yom bambaliñ hoñ. Ma asa nañ bu lhac mac ahuc ma êñsôn mac nem gauc, nañ oc tap iñ ndê gwelenñ dau ñagêyô sa.

¹¹ O asidôwai, lau ñatô sêñgôliñ yom pi aô ma sêsôm bu aô gam mêtê ma gapuc yomsu sêsê ñamlic ñatô su-ñga dôñ. Anğô su nañ. Aô bu wapuc yomsu dau dôñ, dec tu sake-ñga lau Israel-ñga nañ sêsap yomsu dôñ, nañ sêkêñ kisa aô? Ma aô bu wapuc yomsu dau dôñ, dec yom nañ yac ahoc asê pi Yisu ndê mbac ndu pi a gicso dau, nañ dec oc wakôm nditôm yom ñambwa. Yom pi Yisu ndê mbac ndu, nañ gitôm hoc nañ lau Israel-ñga daêsam sêtiñ gahi pi-ñga. ¹² Oc ñayham bu lau nañ sêñgili mac bu añkuc yomsu sêsê ñamlic ñatô su-ñga, nañ sêtim dandi ñamlic sambuc kic-kic.

¹³ O aneñ asidôwai. Anötö kêgalêm mac sa bu ambo atôm lau akiñ yomsu-ñga dom. Tigen iñ ndê galem dinañ kêtñ ñasawa têtñ mac bu akôm sac tôm ñalôm akwa kêgılı mac dom. Mba! Anem akiñ asidôwai ti añkuc mêtê atac whiñ-ñga. ¹⁴ Bu yomsu hoñ sôc yomsu tigen ñapu, nañ yêc bocdec bu, “*Am atac whiñ lau menpañ am, gitôm am atac whiñ daôm.*” ¹⁵ Magoc mac bu alic daôm sac-sac me awê daôm kôc-kôc, dec lêñ dinañ gitôm bu oc sen mac su andiñam.

Lêṅ nom-ṅga, ma Nalau Dabuṅ ndê lêṅ

¹⁶ Bocdinaṅ wasôm tēṅ mac bu asa nem lêṅ tôm Nalau Dabuṅ gêm gôliṅ mac, dec oc tôm dom bu akôm mêtê ṅalôm akwa-ṅga ṅandô sa. ¹⁷ Bu mêtê naṅ mac nem ṅalôm akwa bu êṅgilí mac bu akôm, ma mêtê naṅ Nalau tac whiṅ bu mac akôm, naṅ sêtôm dau dom. Nahu bu mac nem ṅalôm akwa ma Nalau Dabuṅ sic siṅ tēṅ dandi, tu bu sênem gôliṅ mac-ṅga. Tu dinaṅ-ṅga dec mac atôm dom bu akôm tôm mac daôm atac whiṅ. Mac oc aṅkuc ṅalôm akwa ndê ṅagôliṅ, me Nalau Dabuṅ oc nem gôliṅ mac. ¹⁸ Magoc Nalau bu nem gôliṅ mac, dec mac ambo yomsu ṅapu tiyham dom.

¹⁹ Lau naṅ ṅalôm akwa gêm gôliṅ ṅac, naṅ si mêtê sac-sac tôc dau yêc awê. Nac sêkôm mêtê mockaiṅ-ṅga, mêtê ṅadômbwi, ma mêtê atac ṅagalac-ṅga. ²⁰ Nac sem akiṅ anötö tasaṅ, sêpec balö, sêkêṅ kisa lau, sêṅgilí siṅ, tagatu gêṅ, ṅac lau atac ṅandê-ṅga, ma sêpo dau sa hôc gêlêc. Nac si lêṅ kôm lau sêlic dau sac-sac e sêwhê dau kôc. ²¹ Nac sem lêmuṅ lau ṅatô si gêṅ, ma êlême seṅ asam ti sênom gêṅ êṅiṅ ṅac-ṅga, ma sêkôm mêtê sac tidau-tidau bocdinaṅ. Aô wakêṅ puc mac, tôm gakêṅ puc mac su, bu lau naṅ sêsa lêṅ kaiṅ dinaṅ, naṅ oc sêwêkaiṅ si mala yêc Anötö ndê gameṅ undambê-ṅga dom andô.

²² Magoc lau naṅ Nalau Dabuṅ gêm gôliṅ ṅac, naṅ sêsa lêṅ bocdec bu. Nac atac whiṅ lau, sêmbô ti atac ṅayham, ma sêsa si lêṅ ti yom malô, sêkôc si ṅalôm dôṅ pi lêṅ agwa-agwa hoṅ, ṅac tawalô lau, sêkôm mêtê ṅayham eṅ, ma gwelenṅ bocke naṅ sêsôm bu sêkôm, naṅ sêkôm ṅandô sa. ²³ Nac sêtoc dau sa dom, ma sêtimêtê dau ṅapep. Mêtê kaiṅ dinaṅ so

yomsu dan dom. ²⁴ Ma yac lau nan dati Yisu Kilisi ndê, nan dahu mêtê atac ñagalac-nga ti mêtê sac hon nan men akêñ ñalôm akwa, nan sin, tôm yac tac ñalôm akwa ndu pi a gicso dau gi. ²⁵ Yac oc dandöc tanli tu Nalau Dabun ndê gwelen-nga, dec dakêñ Nalau ti gölin yac nen lêt hon. ²⁶ Datoc daun sa dom, ma danem lêmun asidôwai ti dali ñac ñalôm sa dom.

6

Lêt ñayham ñatô

¹ O asidôwai, mac bu anyalê bu mac nem dan kôm sac, dec mac lau nan Nalau Dabun gêm gwelen ñanga yêc nem ñalôm, nan anshê bu anem in sa. Akôm lêt malô en têt in, e in nem dau kwi ma sa Pômdau ndê lêt tiyham. Magoc ayob daôm bu lêtôm tap mac sa whin dom. ² Dahôc asidôwai si ñawapac dawhin ñac, ma ñalêt dinan yac oc dakôm Kilisi ndê yomsu atac whin asidôwai-nga ñandô sa. ³ Bu asa nan toc dau sa bu in ñamalac tiwaê hóc gëlêc ndê asidôwai su, nan kêsau dau. In ñamalac waêmbe. ⁴ Anem dôhôn daôm nem lêt pi asidôwai ñatô si lêt tu bu apo daôm sa-nga dom. Mba. Mac tigen-tigen akôm gwelen bocke nan Anötö kêt sip mac amam, nan ñapep en, dec oc ti mac nem ñahu apo daôm sa-nga. ⁵ Bu Anötö gic sam gwelen ti sakin tidau-tidau têt yac tigen-tigen bu dawêkain, ma bocdinar dakôc sa tôm ndi, ma dakôm ñapep. ⁶ Asa nan bu ndöc ñamalac dan ñapu tu êndôhôn Anötö ndê yom-nga, nan goc êmwasiñ in ndê kêdôhônwaga dau ña gêt ñayham-ñayham ñatô ndic ñawaê.

Anötö oc kên ñagêyô têtj lau êñkuc ñac si mêtê têtjêtj

⁷ Akôc gauc ñapep pi yom dindec. Mac atôm dom bu añsau Anötö ma asiñ gêtj dañ têtj iñ. Mba! Bu gêtj ñandô nañ datap sa yêc yac neñ ôm, nañ kêtuc gêtj ñawhê nañ dasô muñ. ⁸ Am bu kôm mêtê êñkuc lêtj ñalôm akwa-ñga, nañ gitôm am sô gêtj ñawhê sac yêc ôm, ma am oc tap ñandô sac sa. Am oc niñam tu ñalôm akwa-ñga. Magoc am bu kôm mêtê êñkuc Ñalau Dabuñ ndê atac whiñ, nañ gitôm am sô gêtj ñawhê ñayham. Ma am oc tap ñandô ñayham sa bocdec bu, Ñalau dau oc kên am ndöc tamli ñapañ.

⁹ Yac dakôm mêtê ñayham dasiñ su, ma lic ñakam dom. Yac bu dahu siñ dom, dec oc datap ñandô ñayham sa tôm ñandoc. ¹⁰ Tu dinañ-ñga têtj honj nañ Anötö kên têtj yac, nañ dakôm mêtê ñayham têtj lau honj. Ma dakôm hóc gêtjêc têtj lau sêkên whiñ Kilisi-ñga.

Yac datiwakuc iñ gêtj atu

¹¹ Alic yom ñalhô atu-tu dindec nañ aö daun amanj gato têtj mac.

¹² Lau nañ sêkac mac bu asôc yomsu sêsê ñamlic-ñga ñapu, nañ sêkôm gêtj dau ñahu bu sêtéc bu sêtáp kisa sa tu Kilisi ndê a gicso-ñga. Ñac atac whiñ bu lau Israel-ñga nañ sêkên whiñ Kilisi dom, nañ sêlic ñac ñayham. ¹³ Bu ñac lau dau sêsôc yomsu sêsê ñamlic-ñga ñapu su, magoc ñac sêtñkuc Anötö ndê yomsu ñatô honj dom. Ñac sêkac mac bu añkuc yomsu sêsê ñamlic-ñga, tu bu sêtóc dau sa pi gêtj nañ sêkôm têtj mac nem ñamlic-ñga ñambwa.

¹⁴ Magoc aö oc watoc daun sa pi gêtj tigenj, nañ gêtj atu nañ Pômdau Yisu Kilisi kôm têtj ndoc iñ

mbac ndu pi a gicso dau. Bu gêṅ dau gêm aö sa bu wahu mêtê ti lêṅ nom-ṅga hon siṅ, tòm aö gac pi a gicso gi. Ma ṅalêṅ dinaṅ tòm aö daṅ gambac ndu pi a gicso dau gawhiṅ. ¹⁵ Mac lau naṅ sêsê mac nem ṅamlic ṅatô su, ma mac lau naṅ sêsê mac dom, aṅyalê bu gêṅ dau iṅ gêṅ ṅambwa. Gêṅ atu tigenṅ bocdec yêc, naṅ bu dati lau wakuc tu Yisu Kilisi-ṅga. ¹⁶ Pômdau ndê yom malô ti tawalô têtṅ mac hon naṅ aṅkuc ṅagôliṅ wakuc dindec. Mac atôm Anötö ndê lau Israel-ṅga wakuc.

¹⁷ Aö gatec bu ṅamalac daṅ kêṅ ṅawapac têtṅ aö pi yom kaiṅ dindec tiyham. Lau sic aö ma sêkêṅ gôc daêsam têtṅ aö tu kakuc Yisu-ṅga, naṅ whê aö sa bu iṅ ndê ṅgac akiṅ.

¹⁸ O aneṅ asidôwai. Mwasinṅ akêṅ yac neṅ Pômdau Yisu Kilisi puc mac gatôm dôṅ. Yomandô.

Anötö ndê Yom Lêṛsêṃ Wakuc
The New Testament in the Bukawa language of Papua
New Guinea

Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 11 Nov 2022 from source files dated 9 Oct 2020

545e5ca3-1e95-59e4-8380-93951e023cf7